

Vishon di Dios Tata

Awor Felipe a **buska i haña** Natanaèl i a bis'é: "Nos a haña **Esun** di **Kende Moisés** a skirbi den e **Lei** i di **Kende e Profetanan** tambe a skirbi. Ta **Hesus di Nazarèt**, yu di Hosé." (**Juan 1:45**).

Vishon di **Dios Tata** ta pa e ser humano tin un **Union** duradero. Esaki ta skirbi den e **Lei** for di kuminsamentu (**Génesis 1:26-27**). Despues e **Profetanan** a testiguá di e **Union** aki tambe. **Dios Tata Su Vishon** pa e ser humano ta simplemente **Fabor** i **Union** (**Zakarias 11:7**).

Dios Tata Su Vishon ta enserá **Su Fabor**; den un **Relashon** ku **Dios Tata** abo ta haña **Fabor** i **Fabor** na **Hebreo** ta nifiká entre otro **Bondat, Deleitá, Plaser, Aseptashon, Boluntat liber, Prosperidat, Felisidat, Bienestar, Ekselensia, Rikesa, Kosnan Bon**. Ta pa e motibu aki **Dios Tata** kièr pa abo **Kambia** bo **Kurason** i no ser tèrko pa keda den bo **Religion** (**Mateo 12:2-8**).

Dios Tata Su Vishon ta enserá **Su Grasia**; den un **Relashon** ku **Dios Tata** abo ta haña **Amor, Alegria, Goso, Pas, Pasenshi, Toleransia, Amabilidad, Bondat, Fieldat, Humildat, Mansedumbre, Outo-dominio**. Ta pa e motibu aki **Dios Tata Su Grasia** ta algu **Ineksplikabel, Irevokabel i Inkambiabel** (**Romanonan 5:12-18**).

Dios Tata Su Vishon ta enserá **Su Bondat**; den un **Relashon** ku **Dios Tata** abo ta haña **Bondat** i **Bondat** den **Hebreo** ta nifiká entre otro: **Bon, Honestidat, Beyesa, Alegria, Prosperidat, Disernímentu, Benefisioso, Kontentu, Agradabel, Goso, Amor, Desensia**. Ma sabí esaki, ku den e último dianan tempunan trabahoso lo bin. Pasobra hende lo ta **stimadó di nan mes, stimadó di plaka, gabadó, arogante, blasfemiadó, desobedesido** na mayornan, **mal-agradesido, impuru, irekonsiliabel**, ku **mala lenga, sin dominio propio, grosero, odiadó** di loke ta nifiká **Bondat, traidó, imprudente, sobèrbè**, mas bien **stimadó di plaser** ku stimadó di **Dios**; nan tin aparensia di ta mashá ku **Dios**, ma nan ta nenga **Su Poder**; evitá e sorto di hendenan aki (**2 Timoteo 3:1-5**).

Dios Tata Su Vishon ta enserá **Su Fieldat**; den un **Relashon** ku **Dios Tata** abo ta haña **Su Fieldat** i **Fieldat** den **Hebreo** ta nifiká entre otro: **Berdat, Konfiansa, Integridat, Apoyá, Konfirmá, Firmesa, Duradero, Soportá, Speransa, Kere den Dje, Siguransa**. Ma lo **Mi** no kita **Mi Mizerikòrdia** for di djé, ni permití **Mi Fieldat** faya (**Salmo 89:30-34**).

Dios Tata Su Vishon ta enserá **Su Yu Yeshua**; den un **Relashon** ku **Dios Tata** abo ta haña **Su Yu Yeshua** i **Yeshua** den **Hebreo** ta nifiká entre otro: **Lus di mundu**.

12 yanüari 2018
Sea Bendishoná den e Amor di Yeshua Mesias
Rev. Remsly L Riley